

Faze glavnog pretresa



POČETAK GLAVNOG PRETRESA

Nakon ulaska sudje pojedinca/sudskog vijeća u sudnicu, sudija utvrđuje uslove za održavanje glavnog pretresa i identitet optuženog. Zatim se utvrđuje sastav sudskog vijeća i nadležnost suda. Kako bi se osiguralo da nema proceduralnih prepreka i kako bi se osigurala ravnopravnost stranaka u duhu pravednog suđenja, sudija pojedinac/sudsko vijeće daje odgovarajuće upute svjedocima, vještacima i oštećenom. Nakon toga se izriču i pouke optuženom, kako bi se utvrdilo da je upoznat/a sa djelima kojima se tereti i da poznaje svoja prava i obaveze u postuku.

Potom slijedi čitanje optužnice od strane tužioca, nakon kojeg tužilac iznosi svoju uvodnu riječ, a branilac iznosi koncept odbrane., Svrha uvodne riječi je upoznavanje suda sa teorijom slučaja, pravnim osnovima na kojima zasnivaju svoju poziciju i skreće se pažnja ne relevantne dokaze koji će biti izvedeni u toku dokaznog postupka.

DOKAZNI POSTUPAK

U dokaznom postupku sudija pojedinac/sudsko vijeće preuzima pasivniju ulogu u odnosu na početak glavnog pretresa. Tužilac i branilac pristupaju izvođenju dokaza, svjedoka i vještaka, koje se obično odvija u sekvenci: optužba-odbrana-optužba. Svjedočenja vještaka i svjedoka se izvode u kroz direktno i unakrsno ispitivanje. Direktno ispitivanje vrši strana koja je pozvala određenog svjedoka ili vještaka, dok unakrsno ispitivanje vrši strana koja nije predložila njihovo pozivanje. U toku direktnog ispitivanja nisu dopuštena sugestivna pitanja, koja u sebi sadrže željeni odgovor ispitivača (osim ako je to neophodno za potpuno razjašnjenje izjave svjedoka.¹

Sudija pojedinac/sudsko vijeće može po potrebi pozivati svjedoke i vještake ili nalagati izvođenje određenog dokaznog materijala za koji smatraju da su relevantni za ishod postupka. Također mogu postavljati pitanja svjedocima/vještacima pozvanim od stranaka.

Nakon izvođenja dokaza, slijedi iznošenje završne riječi (u redosljedu tužilac-oštećni-branilac-optuženi²) u kojima podsjećaju sudiju pojedinca/sudsko vijeće na svoje argumente i najznačajnije dokaze koji potvrđuju njihovu teoriju slučaja koja je navedena u uvodnom izlaganju.

ZAVRŠETAK GLAVNOG PRETRESA

Nakon završetka glavnog pretresa, sudija pojedinac/sudsko vijeće se povlači radi vijećanja, a zatim izriče presudu i pouku strankama o primjenjivim pravnim lijekovima. Ovim završava postupak prvostepenog suda u vezi sa konkretnim predmetom.

¹ Član 262.(2) Zakona o krivičnom postupku BiH (Službeni glasnik Bosne i Hercegovine, br. 3/03, 32/03, 36/03, 26/04, 63/04, 13/05, 48/05, 46/06, 76/06, 29/07, 32/07, 53/07, 76/07, 15/08, 58/08, 12/09, 16/09, 93/09, 72/13)

² Član 384. Zakona o krivičnom postupku BiH (Službeni glasnik Bosne i Hercegovine, br. 3/03, 32/03, 36/03, 26/04, 63/04, 13/05, 48/05, 46/06, 76/06, 29/07, 32/07, 53/07, 76/07, 15/08, 58/08, 12/09, 16/09, 93/09, 72/13)